



### Луд ужъёс бадзым азинлыкен ортчытйсько

Та нунал'ёсы, ку одно ик кулэ каре кужмо ужамез, колхозник'ёс но колхозницаос сое умой валазы. Соос азязы ужпум пуктызы вань уж'ёсты азинлыко но умой качествен ортчытыны. Со вылэ учкытэк, что колхоз'ёсысь тросэз колхозник'ёс кошкызы фронтэ, али луд уж'ёс нокбня лябомытэк бадзым азинлыкен ортчо.

Тани Адамской сельсоветысь колхоз'ёс: Ворошиловлэн нимыныз нимама колхоз, „Красная звезда“, „Колосс“, „Землероб“ но „Красный яр“ колхоз'ёс 24 августозь зег кизёнзэс, етйн ишконзэс но зег аранзэс быдэстызы. Котькуд нуналэ колхозник'ёс но колхозницаос асьсэлэсь уж азинлыкэс жуто. Соос асьсэдэс трудовой фронтлэн зэмос боеценыз шодо. Ворошиловлэн нимыныз нимама колхозысь колхозница Русакова Е. Г. етйн ишконын нормаэз 150—200 процентлы тырмыт'яз. Дурыськысь Максимов М. Г. графиксэ нуналлы быдэ тыр-

мытылэ но мултэсэн быдэс'я. „Красная звезда“ колхозысь дурыськысь Баженов С. А. озы ик аслэстыз умой ужамзэ возматйз. Колхозница Баженова Е. Г. аслэстыз кузпалзэ фронтэ келяса, ачиз колхозын умоесь ужан образец'ёсты возматэ. Со нуналлы быдэ нормаэз 140—150 процентлы тырмыт'я.

„Колосс“ колхозысь колхозница Иванова А. А. культу кертылонын нормаэз 150—200 процентлы быдэстылэ. Ворошиловлэн нимыныз нимама колхозын озы ик тросэз колхозницаос нормаоссэс мултэсэн тырмыт'яло. Тани Максимова М. П., Максимова Е. А., Максимова А. Г. етйн ишкон дыр'я нуналлы быдэ 170—180 процентлы нормаоссэс тырмыт'язы. Умой ужало Будина П. Ф., Максимова М. А. но мукет'ёсыз колхозницаос. Трос сыче факт'ёс, куд'ёсыз возматэ колхозник'ёслэсь но колхозницаослэсь самоотверженной ужамзэс.

Болтачев.

### Зег аранзэс но етйн ишконзэс быдэстызы

Слудской сельсоветысь Молотовлэн нимыныз нимама колхоз но „Усть-Пышкец“ колхоз, зег аранзэс но етйн ишконзэс быдэстызы. Та колхоз'ёс зег аранзэс но етйн ишконзэс, кылем арын сырысь жог но азинлыко быдэстызы. Ужан дыр'я паськыт вёлмытэмын вал соцсоревнование. Тани Молотовлэн нимыныз нимама колхозысь Возмищев Я. Е. етйн ишконын нормаэз 0,12 га интые, котьку но 0,13 га тырмытылэ. Та мында ик нормаэз быдэстылэ Возмищева А. В. но.

Озы ик „Усть-Пышкец“ колхозын но умой ужасьёс ичи өвёл. Колхозница Сима-

нова К. А. етйн ишконын нормаэз котьку но 0,13 га тырмытэ. Нош Симанова Л. С. но Симанова Е. культу кертылонын нормаэз 0,40 га интые, таос 0,58 га нормаэс лэсьто.

Тазы умой ужаса выли верам колхоз'ёсысь колхозник'ёс но колхозницаос та нунал'ёсы ас кужымзэс кутсакон котыре но етйн тышкан котыре переключить карызы. Слудской сельсовет'я зег аран но етйн ишкон вичак быдэстэмын.

Трефилов, Слудской сельсоветлэн председателэз



НА ТРАКТОР ДЕВУШКИ САДЯТСЯ СМЕЛО. ДАЮТ БОЙЦАМ УВЕРЕННЫЙ НАКАЗ.

-ФАШИСТОВ БЕИТЕ ХРАБРО И УМЕЛО А МЫ УЖ ПОРАБОТАЕМ ЗА ВАС!

(Искусство" издательствоен потэм плакатысь репродукция).

ТАСС-лэн фотохроникаез.

### Кужмо ужало

Коршевихино сельсоветысь „Большевик“ колхозысь колхозник'ёс но колхозницаос котькыче уж бордын жутскем мылдыгы ужало. Асьсэлэн честной уженызы таос фронтлэсь мышсэ юматыны юртто.

Колхозник'ёс но колхозницаос тупатэм нормаосты мултэсэн быдэс'яны туртско. Тани Лесникова Е. М. етйн ишконын 0,12 га интые, 0,14—0,15 га нормаэз быдэстэ, нсш Лесникова М. Д.—0,15—0,16

га тырмытэ. Озы ик умой ужа аран машинаен арась Третьяков Ф. Ф., со 4 га нормаэз 7 га быдэстэ

Тазы ик етйн ишконын мултэсэн нормаоссэс тырмыто „Светлый путь“ колхозысь колхозницаос: Русских А. И.— нормаэз 0,16 га тырмытэ, Русских Е. Н.—0,15 га лэсьтэ, Веретенникова Е. П. но Кротова О. Л. нормаоссэс быдэн 0,14 га тырмыто.

Богданов.

### Нормаоссэс 200 процентлэсь но мултэсэн тырмыт'яло

Зег аранзэс озы ик быдэстызы Богатырской сельсоветысь „Михайловка“, „Симашур“ но „Красная речка“ колхоз'ёс но.

Тросэз колхозницаос зегез октон-калтон дыр'я нормаоссэс 200 процентлы но солэсь

трослы тырмыт'язы. Кылсярысь, Муханова Зинаида Васильевна, Муханова Зинаида Михайловна, Асыллова Мария Игнатьевна культу кертылыны 0,4 га тупатэм нормаэс 1,0—1,1 га быдэстылэзы.

Богданов.

### Государство азын обязательствоосты тырмыто

Та нунал'ёсы вань колхозник'ёс но колхозницаос асьсэлэн честной уженызы фронтэз но фронтлэсь мышсэ юматыны туртско. Соин чош ик колхозник'ёс но колхозницаос политической активностэс возматэ, соос фронтэз но фронтлэсь мышсэ вань кулэ луись сион-юонэн но мукет кулэосын обеспечить каро. Тросэз колхоз'ёс йёл, курегпуз, сйлэ но ыжгон тырон обязательствоэс 100 процентлы тырмытйзы ни.

„Заря“, „II-я Пятилетка“ но Молотовлэн нимыныз нимама колхоз'ёс—курегпуз, йёл но ыжгон тыронзэс 100 процентлы быдэстызы.

„Работник“ но „Дружные ребята“, колхоз'ёс ыжгон, сйлэ но курегпуз тыронзэс тырмытйзы.

Сйлэ, курегпуз но йёл тыронзэ „Симашур“ колхоз быдэстыз. Ыжгон, сйлэ но йёл тыронзэ быдэстыз Ворошиловлэн нимыныз нимама колхоз. Озы ик ыжгон но йёл тыронзэс тырмытйзы колхоз'ёс: „Усть-Пышкец“, „Красный яр“ но „Землероб“. Та выли верам колхоз'ёслэн мукет тырон'ёсы но пумаз вуэ ни.

Сельсовет'ёс'я вераса обязательствоосты тырмытон матын ни Адамский, Дондыкарский, Коршевихинской, Бадзымшурский но Слудский сельсовет'ёсын.

Та государственной поставкаос сяна, колхоз'ёс но колхозник'ёс странамылэн оборонаезлэн фондаз йёл, курегпуз, ыжгон но сйлэ сёто. Государство азын обязательствоэс дырылэсь азыло быдэстыса, странамылэсь кужымзэ эшшо но юнматйськомы, тушмонлы бырон нуналэз матэктйськомы.

Г. И. Захаров.

### Зажигательной бомбаос но соосын нюр'яськон

Современной войнаын за- жигательной авиабомбаос паськыт вёлскон шедьтйзы.

Зажигательной бомба осем бере нырысетй минут'ёсы сое кысыны секыт өвёл. Соин котькудиз адями справитсь кариськоз. Нош бомбаез дырыз дыр'я кысымтэен кылдоз пожар, нюр'яськыны кудыныз секыт луэ ни.

Тужгес ик вёлскемен лид'ясько зажигательной бомбаос секталаен 1, 2, 3, 10, 20 но 50 килограмм кыскысьёсыз. Ас действовать карон характер- зья бомбаос люкисько сосредоточенной но рассеивающей действоослы. Нырысетй сор- тэз бомбаос секытлыксыя кылдыто бадзым яке пичи тыл омыр. Та бомбаос уг пушто. Рассеивающей дей- ствием бомбаос пушто но тросэйтй тыл потон кылдыто.

Тужгес ик трос уже кутйсь-

ко зажигательной бомбаос со средоточенной действен.

Ас снаряженизья тодмоесь бомбаос термитной, электрон- термитной но комбиниро- ванной бомбаос, мукет сямен вераса ас пушказ 2-3 пёртэм ас свойствооссыя улзйтйсь веществоосты возэ.

Термитной бомбаослэн пёр- тэмзы луэ со, что таос жуало яркыт тыл омырен, чужгем оттенок сётыса. Шунам корт но шлак бызе но пазыське. Азыло ик жуан сопровождать ся кариське бомбалэн газ потон отверстиетйз туж лек шуласа ик тыл но пось тыл кизилиос потэмен, собере бомбалэн корпусэз шуна.

Электронно-термитной бом- баослэн пёртэмзы луэ со, что таос жуан дыр'я инээз ванды- мон тодымыт чагыр тыл по- тэ. Та бомбаос лэзэ секыт чын, жуан инты чынлэсь то

ды кылэ; кылйське ки чап- кем кадь куара, ортче шунам частицаоссэ куян. Быдэс бом- балэн корпусэз шуна, собере сутске.

Комбинированной бомбаос термитэн начинит каремын (отвержденной керосинэн, бен- зинэн яке нефтен), сёто яр- кыт чужгем тыл омыр. Таос- лэн вань свойствозы горю- чойсысь тыл омыр потон дыр'я, тыло факел куяны. Та бом- баос потто копоть но съод чын.

Силэсь сиг'ёс пожар'ёслы легем вёлмыны юртто. Сиг- ёсты котькыче кулэтэм сил- лэсь сузыяно. Сигысь пол вы- лэ одйг слой кёс песок тыро- но. Сыче интыосын, кытын бадзым кышкытлык тыллэсь вань, пуктылоно вуэн бочка- осты но песокен ящик'ёсты. Котьку но ки улын матын луыны кулэ саник, кузь нид- ем скребкаос но совок'ёс. Котьку но дась возёно бочка- осын, чан'ёсын но ведрасын запас ву, дась возёно кулэ

луись тыл кысон котыр'ёсты. Зажигательной бомба ачиз кёняке минут гинэ жуа. Со дыре бомба доры мыныса, сое сыче азе куштоно, кытын со из'ян уз лэсьты. Бомба доры мыныку киез но пыдэз пось тыл кизилилэсь возма- но. Трос дыр'я киязы брезентовой пёзь поно, нош пыдзэс кыз юн материалэн— брезентэн яке мешковинаен бинё. Ымнырез тыл кизили- лэсь, нош шокан орган'ёсты чынлэсь возман понна про- тивогаз дйсьське.

Озы ик бомба доры мы- ныны кулэ, астэ пу щитэн сайяса. Сыче щитлэн жужда- лаез метрен жыныен, нош пасьталаез метр луыны кулэ. Одйг палаз щитлэн шуккись- ке скоба, кытсы кыин кут- скыны мед луоз. Жуась зажи- гательной бомба доры матэ- гес кариськыса со вылэ ме- шокен песок куяно. Нош пе- сок бомбаез уг кысы, со тыл кизили потэмлэсь но тыл омырлэсь возма. Бомба пе-

сок куям бере но жуа. Лопат- таен, кисэн яке корт саникен бомбаез жутоно но ведрасе яке вуэн бочкае куштоно. Пичи калибро бомбаосты кы- ын гинэ кутыса кушгыны луэ, кыин пёзь луыны кулэ, бом- баез стабилизатортйз кутно.

Зажигательной бомбаосын нюр'яськон способ'ёс простос- ь луо, сое изучит карыны котькудиз быгатэ, но одно ик котькудизлы изучит карыны кулэ. Противопожарной зве- ноос, куд'ёсыз военной дыре странамылэн противопожар- ной оборонаезлэн основаеныз луо, кулэ умой тодыны, кы- зы зажигательной бомбаосты кысоно.

А. Горлов, кыкетй ранго военинженер.

Отв. редактор П. Алехоов.